

**Zeitschrift:** Annalas da la Societad Retorumantscha

**Herausgeber:** Societad Retorumantscha

**Band:** 76 (1963)

**Artikel:** Da la Pro Helvetia

**Autor:** [s.n.]

**DOI:** <https://doi.org/10.5169/seals-226448>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 02.04.2025

**ETH-Bibliothek Zürich, E-Periodica, <https://www.e-periodica.ch>**

rumantsch cun la versiun dals Psalms e dal Vegl Testamaint. Quista granda ouvra ais cumparüda l'an 1953. L'università da Basilea ha uondrà a l'autur cul docter d'onur. La Val Müstair ha d'ingrazchiar al trapassà la fundaziun da la Società ad ütil public e la Stüva da Tessanda a Santa Maria.

La mort ha darcheu chattà üna victima tranter noss cumponists rumantschs e quai il *prof. Armon Cantieni* chi ha stuvü tour cumgià da seis chars als 8 da settember 1962 ill'età da be 55 ons. Dals 1937 ha il defunt gnu l'instrucziun da chant e musica a la scoula chantunala a Cuoir. Plünavant ha el dirigi il chor masdà a Landquart. Seis merit principal ais però il grand numer da cumposiziuns, per granda part da chanzuns rumantschas. Ils chantadurs rumantschs perdan cun el ad ün fidel ami e la Società chantunala e federala da chant ad ün predschà perit.

Illas muntagnas ch'el amaiva uschè fich ais prof. *Richard Weiss* mort als 29 lügl in disgrazcha. Il zuond stimà professor d'etnologia a l'università da Turich d'eira ün grand ami da noss chantun e da nossa lingua rumantscha. Nus lain manzunar in quist lö be sia ouvra «Das Alpwesen Graubündens», ün pegrn da sias vastas cugnuschen-tschas da nossas relaziuns brich pac cumplichadas. Il trapassà ha collavurà al «Atlas der schweizerischen Volkskunde», ün'ouvra monumentala, la quala as derva cun ün'introducziun da sia penna.

## Da la Pro Helvetia

La Pro Helvetia as sfadia in prüma lingia da sustgnair la cultura da las minuritats talianas e rumantschas. Güst la Lia Rumantscha ais fich dependenta dal agüd da quista fundaziun per sias ediziuns, ma eir otras organisaziuns rumantschas ed ils scriptuors rumantschs han già survgni bler sostegn. Nus exprimin perquai eir in quist lö noss grand ingrazchamaint per tuot l'incletta per la quarta lingua naziunala. Noss ingrazchamaint va eir a dr. Andrea Schorta chi ha rapreschantà cun grand success in üna perioda da 9 ons ils interess rumantschs i'l cussagl da la fundaziun e chi ais uossa sorti siand ch'al temp d'uffizi d'eira tenor statuts a fin. Il Cussagl federal ha nomnà a dr. Jon Pult sco successur.